



ALVER
KOMMUNE

Miljø og tilsyn

Advisorwest AS
Storebotn 57A
5309 KLEPPESTØ

Referanser:
Dykkar:
Vår: 20/4053 - 20/17296

Saksbehandlar:
Hogne Askeland
hogne.askeland@alver.kommune.no

Dato:
31.03.2020

Løyve til utslepp av avløpsvann - Gråvannsrenseanlegg - gbnr 337/50 Søre Ådland

Administrativt vedtak: **Saksnr: 375/20**

Byggestad:	Gbnr: 337/50	Søre Ådland
Tiltakshavar:	Helge Raum	
Ansvarleg søkjar:	Advisorwest AS	
Søknadstype:	Forureiningslova § 11, jf. forureiningsforskrifta § 12-3	

Vedtak:

Med heimel i forureiningslova § 11, forureiningsforskrifta § 12-5 vert det gjeve utsleppsløyve for gråvatn frå fritidsbustad på gbnr. 337/50 Søre Ådland på følgjande vilkår:

1. Det skal monterast tilstrekkeleg dimensjonert gråvassreinseanlegg. Restutsleppet frå gråvassreinseanlegget skal førast i tett leidning til heilårsresipient som omsøkt og vist på kart.
2. Utsleppet frå eigedomen vert gitt for 6 pe.
3. Utsleppet skal til ei kvar tid tilfredsstilla krav i Forskrift om begrensning av forurensing, §§ 12-7 til 12-13.
4. Eigedomen skal knytast til offentlig godkjend avlaupsleidning eller anna fellesleidning dersom slike vert ført fram til området og kommunen set krav om det.
5. Tiltaket er søknadspiktig etter Plan- og bygningslova. Søknad om løyve til tiltak må sendast inn av kvalifisert føretak og godkjennast før arbeidet kan setjast i gang.

- 6. Før det vert gjeve ferdigattest/mellombels bruksløyve for avløpsanlegget må det liggje føre dokumentasjon på reinsegrad og koordinatar for plassering av anlegget.**

Saka gjeld

Saka gjeld søknad om utsleppsløyve for fritidseigedom på gbnr. 337/50 Søre Ådland. I søknaden er det opplyst at utsleppet frå eigdommen skal reinsast i gråvassreinseanlegg før utsleppet vert ført vidare til terreng.

Storleiken til utsleppet er opplyst til 6 pe.

Det vert elles vist til søknad mottatt 20.01.2020.

Planstatus

Eigedomen ligg i uregulert område innanfor det som i kommuneplanen sin arealdel er definert som LNF-område.

Nabovarsel

Tiltaket er nabovarsla i samsvar med forureiningsforskrifta § 12-4 nr. 2. Det ligg ikkje føre merknader frå nabo.

Uttale frå anna styresmakt

Alver kommune har vurdert om saka må sendast på høyring og finn at det ikkje er særlege forhold i denne saka som inneber at saka må sendast på høyring.

Plassering

Plassering og utsleppsstad er vist i kart datert 16.12.2019.

Reinseløysing

Utsleppet skal reinsast i gråvassreiseanlegg. Dette er eit sjølvkonstruert reinseanlegg som er laga som kopi av et Vera Compact F1 anlegg med 1 m³ tank slamavskiljar med slampose med fall til 1 m³ tank med dyser over Filtralite 0,2-10 mm med sjølvfall til 10 meter infiltrasjonsgrøft/sandfiltergrøft.

Anlegget skal stetta reinsekrava for utsleppsstad i følsamt og normalt område med brukarinteresser, jf. forureiningsforskrifta § 12-8.

Av den grunn at dette ikkje er eit typegodkjent anlegg set kommunen krav til at reinsegrad skal dokumenterast før det vert gjeve mellombels bruksløyve eller ferdigattest.

Drift og vedlikehald

Det er eit vilkår for utsleppsløyvet at anleggseigar driftar og vedlikehald av anlegget, jf. forureiningsforskriften § 12-13. Filterpose og infiltrasjonsmasse skal skiftast ved behov.

Privatrettslege tilhøve

Avløpsanlegget er plassert på eigen eigedom. Utsleppsleidningen er lagt på eigen eigedom.

VURDERING

Det er ikkje offentleg kloakkanlegg i området. Kommunen legg vekt på at sidan dette berre er eit gråvassreinseanlegg kan den sjølv laga løysinga godkjennast dersom reinsekrava kan dokumenterast. Tiltakshavar har opplyst at ved seinare etablering av vassklosett i fritidsbustaden skal gråvassreinseanlegget erstattast av eit minireinseanlegg.

Søknaden om utsleppsløyve kan etter kommunen si vurdering godkjennast ved at det vert sett krav til reinsing av utsleppet i gråvassreinseanlegg med utslepp til infiltrasjonsgrøft og ved dokumentasjon av reinsegrad.

Godkjenning etter andre lovverk

Før arbeidet med etablering av anlegget kan setjast i verk må det søkjast om løyve til tiltak etter plan- og bygningslova. Både søknadsprosess og utføring må takast i vare av eit kvalifisert føretak som kan godkjennast som ansvarshavande innafor ansvarsområdet ansvarleg søker, ansvarleg prosjekterande og ansvarleg utførande

Søknad om løyve til etablering av avløpsanlegg etter plan- og bygningslova vert handsama i eige vedtak i saksnr. 20/337.

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage

Enkeltvedtak fatta i medhald av forureiningsforskrifta kapittel 12 kan klagast på til kommunestyret eller særskilt klagenemnd, jf. [forurensningsloven § 85 2.ledd](#) og forureiningsforskrifta § 12-15. For enkeltvedtak fatta av kommunestyret er fylkesmannen klageinstans.

Enkeltvedtak fatta i medhald av forureiningsforskrifta kapittel 13 kan klagast på til Fylkesmannen, jf. forureiningslova § 85 2.ledd og forureiningsforskrifta § 41-5

Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast. Før det kan reisast søksmål om vedtaket er gyldig eller krav om erstatning, må høvet til å klaga på vedtaket vera nytta fullt ut, jf. fvl. § 27b.

Ansvar

Anleggseigar er ansvarleg for at alt arbeid følgjer føresegner gjeve i eller i medhald av forureiningslova og plan- og bygningslova. Om søknaden er i strid med offentlege føresegner, gjeld føresegnene før løyvet. Vedtak etter forureiningslova inneber ikkje avgjerd i privatrettslege tilhøve.

Bortfall av løyve

Er arbeidet med etablering av avløpsanlegget ikkje sett i verk innan tre år etter at løyve er gitt, eller vert arbeidet innstilt i lengre tid enn to år, fell retten til å etablere utsleppet vekk, jf. forureiningsforskrifta § 12-5 4.ledd og § 13-5 4.ledd. Om utslepp framleis er aktuelt må ny søknad sendast inn.

Tilsyn, endring og opphøyr av løyvet

Kommunen er forureiningsstyresmakt og fører tilsyn med at føresegner, lovverk og vedtak fatta i tråd med forureiningsforskrifta kapittel 12 og 13 vert følgd.

Forureiningsstyresmakta har rett og plikt til å utføra tilsyn med avlaupsanlegga.

Tilsynet vil kunna omfatta kontroll av anlegg si yting/funksjon og kontroll av kvalitet på utført sørvis og vedlikehald. Eigar av anlegget må dekkja kostnader knytt til tilsyn og kontroll, jf. forureiningslova kap.7.

Om utsleppet fører til uventa forureiningsproblem, kan forureiningsstyresmakta oppheve eller endre vilkåra i utsleppsløyvet, setja nye vilkår og om naudsynt kalla tilbake løyvet i samsvar med forureiningslova § 18 og forureiningsforskrifta § 12-14 og § 13-17.

Ved all vidare kontakt i denne saka, ver venleg og referer til saksnr.: 20/4053.

Med vennleg helsing
Alver kommune

Silje Haukedal
Avdelingsleiar

Hogne Askeland
Konsulent

Dette dokumentet er elektronisk godkjent og har difor ingen signatur.

Mottakarar:

Advisorwest AS
Helge Raum

Storebotn 57A 5309
Petedalsheia 5254
156

KLEPPESTØ
SANDSLI